



鄭少谷先生全集卷六

閩中鄭善夫繼之著

後學鄭奎光章甫訂

五言律詩 四

懷人

客思苦作惡美人長別離
愁深九日菊夢飽故山芝
劫火明天地秋聲入鼓鼙
銷魂仍病骨行止昧前年

題黃

石水居二首

人境不肯
小居猶滄洲青山如對隱白髮本
無愁春荷
魂合秋風樂事求鱸蓴興不淺聊
定此生謀

其二

水居意自得海鷗來不妨老懷惟杖履秋事在
林塘桂檠依漁父菱歌出女郎逃名非故爾但
恐失滄浪

釣臺

文叔爲天子先生顧釣磯故人一夜話星坐
山歸巖瀨無今古羊裘有是非辨香臺下拜高
志尚依

得閩中消息

閩中久無雨百穀盡枯焦魍虐延諸郡農工豈
一朝何時免凍餒吾邑更征徭避地翻愁思餘
生不自聊

對雪 太白山人

天地忽已
六花風亂投因之翠袖薄加我草
堂幽照水
白媚啣泥燕有求一杯思共爾日

暮問行舟

哭龔

海內君知我閩中我失君雲霄劍在壁風雨榻
揚塵龍見悲吾道烏飛念此身艱危有壯志南
望重沾巾

旅夕逢所親述懷

乍見却非歡相詢語夜闌數年罷道路諸弟泣
饑寒共竈還多故親朋有永嘆自憐飄泊甚聞
此屹憂端

下瀨

迴溪去似箭亂石簇如鎗下瀨扶招急凌湍蕩
槩忙未妨臨灑瀨翻喜得滄浪范蠡扁舟外風
波更渺茫

贈王雙林遊宦海門

振鐸維揚去堂齋俎豆幽豈爲蒼水使與度海
門秋三鱣隨風至羣龍抱日遊山陽遂可聽展
轉憶良儔

送彭 參進萬壽表

離聲言可
子去似登仙敬述諸侯職權呼聖
主年青雲
禮服白浪靜樓船錫爾天閑馬黃
金臺下使

答方思道富陽見寄

浙水浩天涯吳門意已乖三年方數字半世渺
孤懷萍梗猶能合風塵未見偕富春霜雪裏却
憶鳳喈喈

木假山

時行遊麥斜得斷木如山狀

已幸脫煨燼漂零故不辭肌膚渾盡剝丰骨坐
稱奇崕嶮羞相學雲霞信所爲從茲別林藪深
結主人知

宿七里潭

無數灘皆惡安恬獨此潭泝流心共澹汲古味
能甘永夜魚龍定空山鬼魅談高秋進蕭颯行
役遍東南

小野堂對菊

小野堂前菊相逢滿意花諸君抱冰雪散地有
煙霞傍月神猶整當歌影故斜異時追此夕蕭

瑟向瑤華

答曹仲禮見贈

未暇曹劉體逍遙了歲年聊應備土缶豈敢冒
朱絃情性人俱得咸英世不傳從茲習啞作
用在忘筌

題程時言侍御和溪譜

君家好喬木遠影鬱婆娑桂樹青霄上桃花駭
浪多高峰迴日月大地湧星河近閱篁墩譜燕
山豈啻過

題田給事一竹軒

羨爾雲霄勢冷然冰玉姿空齋寄森爽獨立出
喧卑尚阻瀟湘對終收淇澳詩幔亭霜雪盛應
長鳳凰枝

病居讀顧與新詩

伏枕殊方客秋風歲載陰鍊形功不就抵病意
何深稍出詞章網翻爲著作淫頭風頓覺愈吾
只愛陳琳

林滄洲下弟赴荆門

憐君不得意歸鬢忽成絲更下荆門棹還聞巫
峽悲禮嚴徐孺榻義重象山祠應念投竿客終
爲帝老師

惠山酌第二泉

惠山好泉品清切錫城隅松石陰堪結蓮蓉翠
不孤寺虛流夜氣沙潤長秋菰笑挈二子翔
風近舞雩

憶思道

近憶崇陵子還朝定此時肯爲黃歇客興在白
雲司意氣吾能共江山君最奇夔龍格心事天
意要人爲

讀備遺錄

神堯無信史誰紀革除年龍虎風雲上山河涕
淚邊夷齊偏守死王魏總知權三復春秋傳微
詞今不傳

望鴈宕

鴈宕青到眼天南秋復涼寧辭北山屐來傍水
仙王越鳥隨風化甌童觸霧黃未須悲道路前

是武陵鄉

答陳勾溪見贈

武原陳仲舉惠我古苔篇讀罷生陰籟知君玄
又玄高賢惠遠社歸客洞庭船何日尋芳約蓬
山種玉田

劉實夫靜觀樓

劉子吾邦秀高樓元氣邊定心還到眼慧日正
行天風物無拘礙江山且歲年平生騰踏志終
安九潘淵

白將軍

將軍出武威仗劍鎮東陲氣壓風雲陣秋生熊
虎姿長揮白羽扇豈羨銳頭兒數載傷多壘雲
臺及盛時

咄咄

宿國清寺有懷往事

咄咄長廊下倡歌誰爲聞世人皆夢寐之子獨
風雲土淨菩提路天垂星斗文猶存頂神咒至
語未曾分

贈歐陽崇道

使君廊廟器祇惜潁川名
世事憂無盡吾邦兆
已行况逢王者作要使海波平
倘及莘中隱深
耕自性情

哭仲默

去年孫復死今復哭何休
霄漢冥交盡嵩却正
氣收操戈吾豈敢懷寶爾終投
祗益文章價年
年照斗牛

謁紫陽精舍

山水奇如此乾坤氣所儲
昔賢遺筍蛻異代儼
門廬歲晏芝苓長天高風露餘
蹉跎逐簪笏尚
愧紫陽居

三陟

憐君憂思劇三上白雲山
風樹吹無盡鷓原望
不還堂階抱古恨松栢變秋顏
莫以歌終曲人
生涕淚繁

春日懷京華諸友

聞說神龍起羣賢一網提
中原刑白馬南國且
黃鸝夜楫誰同擊春江他自迷
無能逐公子錫

宴上林西

寄容臺舊僚友

上德符元命南宮列雋才周王郊祀畢漢日辟
雍開法駕新承幸芝壇定數陪百年大禮樂述
作意悠哉

秋日寄赤城諸友

幾載不相見天台葉又飛行藏歸一是堯桀自
相非江海完吾志星霜變客本風期與雲會莫
遣道心微

夏雨

南天春苦旱咎在歲星沉四月禾苗歎三農雨
望深油雲膚寸合一似雨黃金君王社稷主要
識上天心

張起溟得子

聞得充閭慶青天眼不孤君猶倚桐樹此是鳳
凰雛昔日三蘇出眉山萬木枯鄉書日暮至定
報有嘉符

元夕登鰲峰絕頂

有序

元夕余從海上與木虛子登鰲峰據奇石摩
挲古檜樹忽聞峰頂瓦礫聲趨而從之見二
老拄杖箕踞相顧一大笑乃引酌嘯歌月隱
隱出雲際下觀萬井燈火星河倒浸陸海中
余諸人者猶夢天然奇哉惜哉高子王子遠
莫可致沛夫泥俗招之不來也遂折古梅枝
以貽懷者歸而北斗指寅矣遂作韻語以引
諸子

共爾尋芳酌復從鰲頂行風煙有元夕星漢下
狐城石祖他年夢山公一笑迎高歌倚梅樹瞻
注有餘情

補遺

再哭近夫

近夫吾益友失汝自吳江末世英雄短平生涕
淚雙參乎真悟道回也未爲邦不見牛刀試青
田俗盡龐

大田篇

君王提一旅禮法用三驅木落鴻能矯天寒虎

在嶠風塵收猛士騎射跼文儒銳首誰家子人
間大丈夫

得友人書

每逢閩地客數問爾滄洲搖落意如此煙波去
無絲傳楫還長擊高柴未損憂因風寄幽獨蚤
晚大刀頭

西山

落日春湖上煙波正渺茫衣冠非敢倚魚鳥坐
相忘痛飲還山簡招攜有葛彊濯纓計未得意

氣總滄浪

再送李曲江

曲江山水縣暇日好彈琴要將流水意遍作頴
川吟王風周末異瘴色日南深更點分明處縣
知令尹心

懷思道

聞君留闕里勾當未會還五月過泗水何時登
太山道存夫子室禮接魯生顏星駕飄飄去雲
天迥莫扳

寄小野

倪侯隱南國食祿二千鍾誰識神仙骨長栖富
貴叢梅花行嶺外雁字過蠻中何日飛尋女而
將黃鶴同

五言俳律

劍州

溪聲下黯淡山意會延平激漩當天險橫霄極
地形黃堂嚴上界塵舍倚高城龍劍真能合虹
橋本易成茶菰流土物稷秣得人生李子濂伊
嫡劉滋卓魯勅士多通古學民不廢畝耕何處
深傳檄茲邦乃苦兵方將採竹箭奚暇糝藜羹
正賴賢官府艱虞繫物情

除夕二首

百戰無寧日窮年作宦情故山惟夢到異域獨
燈明冰雪淹公子風塵掩客星無家杜陵老經
亂鄭康成北望關河固東遊歲月更安危仗王
室鼎食愧昇平

三元今夕到羣盜幾時平河洛新流血齊梁日

請兵羽書連樂國鞞鼓動神京大將真無敵元
兇未就烹地悲殺氣盛天苦歲功成進退吾何
據椒盤空復情

送司徒孫公歸安陸五十韻

國步多艱日黃圖八葉時正人俱遜避冥運莽
推移在昔 先皇世明公早典司菁華臨騶裏
瞻聽下須彌德業周王佐賢勞漢度支坐舒千
里足遍察萬方眉時值中原擾頻徵北鄙師向
非籌百萬安得活瘡痍理劇虛投刃回淳重執
規赤心醫國石白首向陽葵朝著畱清望廷爭
抗直詞杜公良不忝樊子豈無奇祿秩方登俊
兒童不免饑少馬看短髮率爾問青芝懇切封
中疏闡於夢裏思王言溫莫挽傳馬去猶馳肱
股定虛曠麒麟難繫羈韋年寧待暮常版却應
誰允矣修初服忻然集故知養真同在洛憂世
類還睢韋輅北宮子鹿裘榮啓期釣溪人罕識
遊岳鶴長隨信是勞筋息其如柱石衰崑堂喧
燕雀城社保麤狸黔首殲金氣旄頭直玉墀豈

惟餘狡兔遽使有鴟夷浩蕩南溟徙差池北斗
垂帝能忘反側天未欲雍熙前席追才子高軒
沓健兒汾陽終復起回紇定深疑世道今如此
言余何所之狂誑通劍術憤激撤書帷猥作龍
門客載歌淇澳詩未緣經品藻竊幸受鑪錘食
忝侏儒粟才妨寢廟犧役形酬顧遇鏤骨爲嘘
吹永願參徒御猶希附鼎彝此心何覬豁人事
竟離披貢禹情堪弔任安義匪疵幾能容傲吏
奚止失師資恨恨悲鳴鋏奄奄嘆守雌肩隨遑
點染影弔趣磷緇便作開籠鳥還慙掉尾龜卽
尋鷗鷺好甘與簿書辭采藥靈源洞紉蓀少谷
陂靜便粗布褐安穩小茆茨述作刑司馬冠纓
薄李斯嵩高塵不雜來挹九峰姿

聞吾廷介避亂客死藁葬道隅

識面胥臺夕論心滸墅時功名非爾輩文藻是
吾師命薄長遺世才高更忍饑天如產麟鳳王
不夢熊羆久着東山屐頻歌濮水詞邴原明進
退杜甫昧生涯已是哀黃髮仍兼陷赤眉修身

渾欲到得禍一何奇寂莫棖楹折荒蕪氣運衰
人皆牖下死子有道傍疑叔寶時多惜嵇康我
獨悲君門數行淚不但致吾私

壽林大司馬四十韻

當代論耆德先生第一人行年老益壯浴已日
猶新九牧衣冠胄三朝柱石臣時流立標準前
輩想丰神伊昔遭平世超然充大賓東寮注柳
肅內史倒陳遵奇思過常調修能異等倫一生
隨日馭十載在成均古學薰移俗名賢類受甄
牽裾留短草啓事起枯鱗瓊珮辭仙仗金陵乘
大釣豈無雲錦線可補舜衣鶉鴻運丁天厭元
龜卜世屯文狸翔粉堞玉玦下楓宸溫國言歸
洛宣尼罷問津歲功成者退初服誓當伸几杖
蒼生慕松筠白髮親起居全矍鑠容色愈溫純
不論臨卑幼都如飲酪醇達尊人代少幽意歲
華頻寄癖泉山麓移舟越水濱猶能作小楷亦
稱戴高巾奚用推洪範終然比大椿壽臨文彥
博子得范純仁極北陳情切滇南稅駕真言將

懽菽水不是憶鱸尊臣父深思子臣兒願委身
明王念勛舊溫語藹絲綸李密近還蜀張良
未謝秦銀魚綰房杜玉樹集陳荀萊綵偏宜晚
潘輿每及晨風吹綠野暮花發錦堂春刺史官
前列春官振後塵品題惟鳳鳥圖畫必麒麟二
月山川麗全閩氣象臻嵩乎鍾匪物甫也降茲
辰度曲來鶴鶴稱盃拜縉紳龍門登尚忝驥尾
附何因感激吾將仕沾濡俗到淳太平若有象
早晚下蒲輪

送周方伯入楚五十六韻

南來日月淺歛作洞庭遊宦達多離坼旌麾還
阻修人情烏石雨仙路豫章舟樹直黃陵廟花
明白鷺洲攀軒啼老少擁篲振王侯毒草祠能
久濂溪井尚留賢聲望宰輔伊昔盛才猷八辟
叅邦典羣疑反楚囚青蓮分黑白丹筆幹宸旒
退食惟書卷攢眉視貴游坐茲不速化寧自向
明投先帝需梁棟春官雜枓樛匪材隨鑿澈
是歲辱甄收分忝門生列知懸孺子酬青雲長

契闊白帝正响嶠公去安邊徼余歸滯故丘數
年鱗杳杳兩地鬣颺颺諸葛綬西土文翁化益
州夷酋達禮樂武弁冠貔貅自古賢人遠殊方
聖主諏朔風吹鳥道春雨下龍湫天共滇池
遠人兼泮水幽兩川思几杖六詔賴懷柔夔俗
元來野華風今始流文鶴旣翩翩鳴鹿亦呦呦
欲見唐虞理何煩猿狖愁幾時卿月照復爾使
星浮三晉悲歌切中原盜賊稠徬徨家室走感
激歲時適道在無荆棘時艱任寇讎終焉脫虎

口直擬謝蠅頭天欲昌王室帝能追馬周風高
沙塞暮草歇鴈門秋十二事皆舉權豪勢不勾
食芻無款段出牧盡驂騑世待英雄急公宜物
色求無諸所胙土馬亮載鳴騶玉節沾應得風
謠採未休先聲靖強禦能事屬歌謳霄漢瞻洪
翻泥塗非好仇狄籠充實忝徐榻下何綢願縛
南山虎翻驚北海鷗倚風悲駘蕩望斗念傴僂
貧貸鄰人粟寒披季子裘熱中聞舐痔畢意避
犧牛名位爭相笑悲歌不自由誰能見客意何

以解吾憂夜雨聽希曠春波轉繆悠大廷稽職
業南服趣恩庥江漢雄藩鎮夔龍注廟謀雙旌
一以遠千里祗須掘卽欲隨黃鵠終知愧禿鷲
草深鸚鵡塚天迥岳陽樓范老端憂樂禰衡招
咎尤獨醒心縷縷北面意悽悽公若登三事須
張竟野罍

鉛山書事十二韻

聞道坎山裏羣豪撓信州仇家縣膽在死士散
金收趙廁機關重秦庭報復稠執言修大懟負
固震諸侯落日問閭恐悲風井邕愁撫綏須早
計變亂未干休赤子元無罪紅巾揆所由至誠
馴虎豹極處動貔貅六邑疲供應三農訟咎尤
風塵將不靖土地爾何求卽鑒前車覆母貽後
事憂 朝廷諱首禍賢相合深籌

東遊

已是閉關月漫遊何處邦北風帆勢直南紀歲
華妨負勝輕河嶽哀時挹伯王衣冠明葬處俎
豆盛蠻方忽憶春秋際兼懷種蠶良圖王功已

已去國意茫茫萬事空搔首諸賢足斷腸東征
効蘋藻大觀出玄黃雨蝕曹娥廟山疑謝傳堂
泱波平憤懣舊燕落尋常恍慨吾能賦風流誰
更狂飄飄王逸少磊磊賀知章真帖蘭亭秘遺
榮剡水光鑑湖秦望近雲寺若耶荒皓齒此溪
女紫騮何郡郎隔花相問姓采菲欲遺芳未逐
支公隱能無許椽藏雪舟行獨遠禹穴探尤長
木客胡麻飯山夔薜荔裳桃花源不昧野鳥恨
難忘自此升台嶽騎驢過石梁仙風去若脫八
極信翱翔

卽事

赤縣山河在黃龍沙塞長祗憂胡部落不着舜
衣裳驃騎年年沒單于世世強僕姑寒射月簷
簌夜含霜寶轂猶深入金稍或轉傷前車未爲
遠神武有英皇

得家信

未覺今爲是田園報已荒蠻雲深結白朔日迫
含黃社稷已如此公卿猶病狂冠裳風一變戰

伐意何長爵可加天位勛兼擬法王甘泉久抗
疏不得達明光

野江爲舒國裳父作

徐穉藏身在南州臥不妨經年歌白石乘月下
滄浪江抱洪都府堂開輞口庄藍田種有玉礮
水釣惟璜會見蛟龍起俄驚鶴鶴翔無由相高
志把贈芰荷裳

鄉人

令叔吾兄弟仲容賢姪行宦情遊里閑人事近
陰陽何路通閩徼中原入戰場應憐起草石竟
失浣花堂太乙長遷次攬槍轉耀芒山河醉眼
底別爾思茫茫

與思道敘別四十八韻

憶昔勾吳口相逢雲水鄉于時最孤寂得汝共
翱翔豈倦登臨費兼存藥石良三春謝氏屐十
度遠公堂大石留腰帶陽山接羽觴秋風白蓮
賦落日洞庭航坐聽吳趨曲行歌子夜央時時
動星象處處有文章雨夕舟偏討公庭事不妨

投膠情最密麗澤意何長作賦相如病彈琴必
子臧君才當十倍爲宰僅三霜備見嘉禾出胡
云貝錦張邑皆懷范甯人只妬鄒陽日月難終
掩聲名轉益揚幾時停谷鳥獨往釣溪魴人事
尤參錯兵戈逐喪亡爾歸頻灑血余去苦回腸
百粵風塵色三衢荆棘場棠陵居獨穩太末勢
堪傷消息傳誰健艱難到女旁鴻飛多不及豹
隱但相望已分生無日何期此對牀精神寧少
壯鬢髮各滄浪驟見猶疑夢翻思祇欲狂人情
更憐並天意遂行藏妻子盡相信形骸真所忘
緇塵心少稱青眼慰多方管鮑平時義雷陳後
代光曠懷卑藻飾素業略侯王葵霍元同志雷
霆詎有常賜環憐是月持節向何邦太液秋風
落桑乾木葉黃條然改節物自此判參商向秀
悲無奈杜陵憂未遑漢皇惟好武堯德本垂裳
欲折淮南馘行穿涿鹿楊迢迢思汲黯隱隱忌
姚萇萬騎虛邊戍深宵引御幢恒山窮鳥獸上
黨泣壺漿征伐名雖正巡遊志莫荒祇須移北

極况已復南昌福德知何處櫓槍屢耀芒頭能
憂絕域翻不備蕭牆儒術元迂闊華裾載禍殃
申屠甘絕迹大邴尚爲郎江漢情何極鱸葦興
可償歸期晚自計分手各茫茫

臺上

塞水波聲杳宮牆木葉深 君王載戎服歲晚
過汾陰白燾風雲氣玄冥鴻鴈音稻梁猶有分
軒冕竟何心祗放中原鹿翻田上苑禽憂時誰
向道端合早投簪

送人之金陵

金陵吏隱去結綬興悠哉滄海東南莫長江巴
蜀來白門萬柳樹嫋嫋接行杯晉室風流在猶
傳謝傅才花繁佳麗地天近鳳凰臺祗憶鱸魚
美鄉書旦暮回

送李川父赴沔陽

一杯燕市酒別爾意難平嵩嶽冥棲客沅湘遊
宦情南風吹錦旆遙度竟陵城吳楚兵初解鄒
枚道自行如何歌郢曲祗以觸猿聲宣室思才

子能無召賈生

衛河集別

去國心仍苦風塵病未休六飛淹歲月八極想
遨遊水動魚龍夕雲盤鶴鷲秋江山回紫氣沙
塞度青牛祗有簪萍戀聊爲文字留遐心渺無
盡寄與衛河流

吳隱君山居

吾慕漢陰老清修難具論兒童少機事麋鹿到
柴門備見幽人吉還聞靜者尊高賢牀下拜龍
虎鼎中喧古道日已遠仙風今罕存縣知出世
意接手入湘源

永陽方廣巖觀從兒戲入靈羊谷

共有方巖志鳴橈入永陽山疑子午谷水是武
陵鄉石室羅星漢風泉積混茫直尋前代迹多
見昔人狂龍德存幽側神功大晦藏會須乘白
鹿莫倚過靈羊采秀青林杳看雲白業長儻逢
蔡道者爲彼出迷方

贈鄭中丞二十韻

皇道中興日關河氣鬱盤卿雲回栢殿麟趾出
人間 帝用徵良弼人今起謝安玄纁到滄海
夫子罷黃冠眷注時難得才賢印不刊洪都開
大府節鉞撫諸蠻舉目旬宣地知君涕淚繁囚
梁脫虎口歸漢遠龍顏顛倒多方試悲悽九返
丹匡廬留業光彭蠡厭波瀾况值荆吳變何論
土地殘 主憂寧俟駕君出豈移山岳水思鈞
候茶溪接露翰白頭吟不斷青眼迴猶看未分
虛縣榻新詞議築壇同舍九鯉日並考木蘭繁
櫟社堪長棄龍沙會起蟠霞裾余獨引霄鬣爾
難攀茅拔多連茹時明且鈞磻烟波去無極相
報一綸竿

送林待用司空四十韻

海嶽開靈秘東南孕雋畸公才驚代出吾道要
人爲鸞鷲時希有珊瑚世共知郢斤森在手剛
斧斫先枝王業尋常就天朝際會遲乃嬰喉下
阨轉聽隴頭悲脉脉餐元命跋跋飾履綦經過
盤錯遍展轉廟廊思直道淹黃髮餘生隨白鷺

經綸一以卷霄漢欲何之霞外修靈氣槎邊立
釣絲衆星還識斗百草祗如芝蜀道憂多壘王
言召子儀星奔赴國難虛擣拔梟旗雲鳥元相
法風塵不自夷千秋誅白帝一笑下峨嵋物態
疲衣狗年華變意鷓留侯乃辟穀尼父退修辭
蘭渚煙波定雲莊歲月馳寧云近耄耄忽漫致
雍熙紫氣流金闕黃龍下玉墀 君王是堯舜
輔弼必臯夔二統收今日羣賢網在茲丹青得
舟楫畋獵豈能熊羆只簡先生去頻傳 帝語來

玄圭表錫望黔首視安危如此中興主那看後
命推意成魚水合道在鳳麟羈鐘鼎人能鑄棟
梁今不衰願聞歌帝力直擬察氓眉勲業青冥
潤文章後輩師眼青相見日心赤索居時魚綬
身三偃龍泉手一提不成赴溝壑詎敢息鎡基
崑水青陽逼滄溟錦纜移永懷登藻鑑况惜別
師資幽獨行將暮娉婷迥自怡長空古意澹落
日壯心飛抱瑟誰同調彈冠此作期因風送黃
鵠目盡五雲涯

見蜚鴈

涼風動沙磧朔鴈至紛紛爲避陰山雪翻衝楚
澤雲嗷嗷清作籟總總字成文意適稻梁得心
驚弋彈聞時懸出塞夢肯如下鞞勛遠媿青田
鶴高飛絕世氛

寄戴仲鵬延平

嗟爾投荒在十年歸髮新豹文淹瘴癘龍節漸
風雲往事收殘淚清時錄遠臣別深魚鴈闊迹
久鳳麟馴余亦豐城物思君劍水濱客衣渾自
浣不染洛陽塵

寄時行憲副

聞君靖百粵閒擁節旄遊鏡吹軍門靜雲山開
府幽飛書報谷口邀我入羅浮一自滄溟別長
驚碧樹秋乾坤今始泰勛業爾應留儻遂丹砂
計相尋海上洲

書情十二韻

毛生辭辟命王績遁人羣賢者詎可測醉鄉聊
自云抗情于木石著論逼河汾而我風塵質依

依愧所聞碧山隨舊業白日近浮雲殷道求伊
傳周王化妝墳古風何契闊吾志底辛勤耻掉
留侯舌羞稱管氏勛民窮思 聖世身遠戀
明君落日天西夢幽憂記不分龍蟠時必作鵬
息氣方殷此意終難就吾將邁紫氛

答人問滄海

久作持竿客滄洲話獨真潮聲雄度浙海勢側
分閩星漢涵無地風雲變有神蜃樓開弱水鼇
極斷河津失意歌漁父離羣憶古人惟應白鷗
鳥浩森得相親

俠客行

萬里金微道防秋世不同秦城時借寇漢女歲
和戎落日吹楊柳沙場恨未窮莫收張掖北復
失酒泉東天子遑推轂將軍誓挂弓黃金裝鴈
轡白璧飾蛇褱霸氣天山雪邊聲瀚海風死生
惟義激部曲總驍雄羌笛回青草燕歌感白虹
營開月暈破戰勝賀蘭空直擣闕氏北橫行沙
塞中始知魏絳怯豈說貳師功洗甲蒲昌海揚

兵首藉峰馳歸大宛馬一一渥洼龍賜邑連京
洛圖形列上公男兒雪國恥不在藁街封

寄題七峰隱居十韻

崇陵書問至命我七峰歌我今雙鬢改其柰七
峰何憶避吳趨寇曾遵孟瀆河眼深孫楚宅心
激魯陽戈霜鏑干雲日霞居享薜蘿猶聞釣蛟
蜃寧復畏湖波浩嘯蘇門誦名方海上科賢豪
似爾少膏馥及人多芝菌盤雷洞山川抱曲阿
吾將濟汝漢初路爲經過

岳山留別諸子

握手情何盡爲郎鬢已秋那爲岳上別轉作秣
陵遊賈傅狂唯甚王陽道必優時猶遇舜禹志
竊慕伊周風斷黃金市雲愁白鷺洲從容赴散
地一似臥林丘寶劍緣輕試明珠豈暗投經綸
晚自計只漫釣魚舟

哭朱侍御

哭友蒐初返兄今復訃音杞憂元不寐顏樂祗
須尋江海投膠意乾坤攬轡心成言俱寂莫勝

事竟銷沉邦國賢豪盡關河涕淚深瓣香與絮
酒咫尺到山陰

憶昔

憶昔 先皇帝黃金高築臺劇辛自趙往鄒衍
復齊來今日風波事誰當砥柱材金雞還浩蕩
黃雀總消埃久見文昌厄何論國士灾君看黨
錮傳千古使人哀

六卷終

鄭少谷先生全集卷七

閩中鄭善夫繼之著

後學鄭奎光章甫訂

七言律

亭上

少谷峰頭草亭好清秋原衍爭繁芬石上昌陽
盡九節筍根惟子皆此君放言何求了物意惱
世不徹叅天文平生最愛陶弘景青山百年怡
白雲

從扈嶼沿溪陸行抵義江陳職方留讌山
中

扈嶼迤迤連崇臺瀨江曲曲罷喧扈漁人釣艇
沿溪泊野老柴門傍水開樹底巧通仲蔚宅玄
中殊愧子雲才南遊兼得酬佳節黃菊青山共
舉杯

寄近夫黃門

憶自吳門再相見風波希闊兩年餘天邊此日
歌鳳鳥海上何時烹鯉魚巢父掉頭終已矣士
元展足近何如秣陵雲樹三千里未得從君賦

卜居

九日憶近夫

忽憶齊州殷給事經年不見使人來往時皂帽
真能落此日黃花何意開南國眼深鴻鴈字暮
雲天遠鳳凰臺泰山梁甫輸心地報汝瑤瑤清
夢迴

泰陵

千林松檜鬱相迴永夜風生瀚海哀萬國昔曾

瞻氣象五雲空復護崔嵬古來鳳鳥長難至天
上龍髯定不回苦憶焚香賜第日報恩真愧濟
時才

放艇

上放孤艇青草洲前乘早潮觀水欲窮
滄海賦看山虛憶白雲謠舟航惡少妨漁父風
雪殘年淨獨苗散地生涯轉疎闊南州人事已
蕭條

金粟臺秋望

鼇峰烏石宛相對越王城中亦壯哉正堪乘興
黃花節况得銷憂金粟臺斜日遠天寒鴈到緒
風高樹暮蟬哀芙蓉冷落秋江淨故國驚心白
髮催

五日遊道山同宗呂木虛

仲夏五日簫鼓競薛老峰前舟可憐水下九龍
江意遠山迴五虎地維偏故情幸不遺高適豪
論能無屈傅玄萬事糾紛人代裏聊爲酪酊答
風煙

小至

小至風煙催氣候南州雲物變乾坤城頭梅柳
青春早海上魚龍白浪昏萬事艱難悲故國三
年戎馬閉柴門小山梁苑多才子漢水襄陽猶
隱淪

白湖送陳比部

雲山悵望八千里兄弟相看十二年清路音塵
長阻絕白湖風雨重縈牽江梅古調當離思渚
鴈春心亂遠天金馬碧雞思共汝周南蹤跡尚
茫然

夢出

少谷先生白玉簪秋風欲別小華陰傷人鴻鵠
機初動驚眼芙蓉花正深未有行藏關世道是
何夢卜合人心東山遠志誰驅使小邴官階自
滯淫

溪上卽事

二月松花春欲深九溪石室晝長陰獨行罔兩
還相避並汎鳧鷖好自尋人事儻逢圯下履道

情先寄廣陵琴丹臺玉冊真冥漠息影忘機漫
陸沉

登厚坡鄭氏樓

溪上青楓高十尋隱君樓閣晝陰陰未妨磬折
隨人事却爲飛花動客心南靖禳氛征馬困北
山風雨斷猿吟鼇峰金粟茅堂在留滯王孫芳
草深

汎木蘭

木蘭山下陂水清南洋北洋風日晴慣乘舴艋
中流穩頗愛棠梨兩岸明石塹沙堤迴海勢鷓
鴒鷓鴣亂春聲漫向雲莊望莆口更從壺頂看
滄瀛

囊山畱別黃後峯王蘂谷

莆城東畔囊山遠黃子茅堂碧樹深千里獨尋
雞黍約九峰同寄水雲心僧前麋鹿看人慣春
後枕榔委地陰石壁題詩芳蘚合虎溪分手暮
猿吟

西園讌集座上得移字

烏山秀色平臨水中使園池事事奇斜日亭臺
朱夏薄晚風簫鼓畫船移魚驚舞袖翻深浪鳥
訝歌筵出下枝金谷銅駝那比數幾回吟嘯憶
明時

巴縣故城夜泊

井邑蕭疎角正悲河隍猶帶舊城陴大江夜氣
繁星動南國秋風落木遲長路且須防失足他
家未肯但舖糜欂櫨滿眼公車少回首東山有
所思

九日飲延平蕭氏莊

省郎園林秋色深今日何日此登臨迴溪魚鴈
各自適細路藤竹紛交侵可憐風草四方動不
廢瓶罌終日斟滿插茱萸應佳節時危歲華容
易陰

答林貞孚且嘲作西湖東道主用韻

且喜郎君騎苑馬追攀無奈暮途遙柴門反鎖
將疎闊物態相看坐沈寥萍水幸逢長至月蘭
橈漫趁浙江潮西湖載酒誰能爾斜日空聞吹

洞簫

越中

不周風動越王城
天姥峰陰冰雪生
黃道祲氛雙闕暝
滄溟波浪一鷗輕
西巡未返雲臺仗
南顧猶煩瘴海兵
大事安危賴元老
小臣茹草望昇平

會稽寄董太史文玉

太史東歸着錦衣
白魚青笋傍庭闈
十年芸閣春秋定
五月錢塘燕鷁飛
乘興偶過安道宅
憂時未息漢陰機
小舟歲暮將行李
報爾看山到

會稽

汎西崦宿光福寺

西崦山前飛白鷗
東洙江上春事休
已無梅花刺我眼
賴有太湖消客愁
獨愛老僧眠水寺
爲尋芳芷步汀洲
風塵豺虎匝江漢
西望長安生隱憂

同夏赤城遊國清寺

侵曉布袍沿澗入
黃蒿古殿雨濛濛
頓能自拄

蒼玉杖便擬分眠紫極宮
二子空筌羶草色五
峰芳樹散雲容
春來病骨一杯足
未植蓮花煙
火中

大風雪投宿赤城盧氏樓

朔雪胡風吹歲昏
赤城今去宿誰村
孤城自照煙霞色
獨夜難招土木魂
短世客星真落落
高樓賓榻亦言言
天涯兒女催歸思
勝子椒花非故園

至日 長陵陪祀

長陵西接黃花鎮
白雪蒼巖夜色遙
陰殿袞龍猶在目
往時松柏已干霄
總聞一怒風塵起
想見千官遷次朝
悵極兩京興廢事
小山何意起漁樵

題金司寇芙蓉溪草堂

綿州城東涪江北
芙蓉溪水逼高寒
人今未向草堂臥
花更何年駟馬看
雲錦娟娟臨歲暮
白鷗款款並風湍
漢庭近事須君子
黃髮高歌承露盤

塞上

沙黃草白雲色寒漢主追胡青海灣後命連催
羽林騎前軍飛度玉門關南郊禮樂終難廢北
狩旌旗何日還李牧昔時惟自守暮年牧馬到
陰山

南郊改卜陪陳司馬視牲

南苑春風吹暮寒月華光湧紫芝壇上卿劍履
中宵出大祀牛羊隔歲看早報簡書回萬乘竟
何齋沐散千官園丘想像天威切猶道胡兒戀
克汗

不見

年來不見孫明復布褐綸巾何處山長日著書
元自得早時譚劍有餘閒吳門雪水風塵上麟
閣雲臺天地間未返初衣重憶女釣竿何日共
潺湲

天寧寺送林德緒赴武當

襄陽使君今欲東優鉢花下行相逢西山爽氣
祇自好秣陵羽書猶未通征伐亂傳車駕出

沅湘亦在風塵中
馮良乘馬如可棄
傷爾南州桂樹叢

汪希周料兵淮楚

白馬清秋出上京
勾陳光照亞夫營
中原天子親提劍
南國樓船遠募兵
消息祇愁千里草
逋逃新恨九江城
漢家曆數元無極
吳楚猖狂終自平

曉入左掖

禁城萬木下蕭蕭
海霧陰連金水橋
七廟衣裳還紫氣
九重宮闕自丹青
喜聞行部風雲陣
轉憶先皇鵷鷺朝
海內何人憂社稷
邇來賢士困漁樵

長安

漁陽上谷古幽州
王業千年易水流
胡騎遠窺青海月
秦城長建白龍旂
總愁關塞生多壘
未道蕭牆隱百憂
日短時艱衰病早
幾回簪笏夢

滄洲

冬日遊翠微至香山晚歸更酌湖上

日暮羣山生彩霞
草黃湖白見天涯
關河北繞皇輿壯
胡隴西連狹道斜
共愛樓臺穿錦樹
兼看鳧鷖亂晴沙
南冠未遂滄洲計
椰葉鷗羣近釣槎

順門曉直

城上清鐘散御墀
曙鴉聲動萬年枝
天廻閣道星辰迥
雲捧乾清歲月遲
內省尚承東闕旨
從官稀見早朝儀
羈孤愁斷周南目
仙仗新傳到具茨

雪中遊報國寺

雪裏經過報國寺
燕京氣候欲冬深
樓臺近引山河色
風日初含松檜林
並擬散愁聊出郭
那堪痛飲益沾襟
南巡輅馬今何處
百萬貔貅行路心

南宮對雪

南宮雪深朝未稀
冰廳映日還輝輝
天寒野鳥濕不下
風急靈鶴今何歸
袁安閉閣自進退
楊雲著書猶是非
束帶栖栖豈余志
數年朝士俱

戎衣

人日

人日堂階春雪飛齋居閉門生事微仙家栢葉
那復有燕市椒花仍自違久病坐看時序轉倦
遊漸覺故人稀閩山越岫堪攜杖猶向風塵緇
敝衣

送徐登州問

爾今出守東牟國余尚依依鷓鴣羣宛洛竟縣
高士榻瑯琊真待子虛文沙門瑤草祗何日海
市珠宮空暮雲只恐飛帆逐仙去蓬萊迢遞不
相聞

漫興

龐公擬向鹿門隱元亮翻爲孺子謀千里青山
妨墨綬幾年滄海弄漁舟堞樓日斷風沙暮省
樹天回關塞秋歲晚朝班終解去偶耕隨地得
巖丘

贈夏公謹

芳洲桂樹好自攀山人未歸鵝鷺班天香暗結

黃金粟歲歲飛花霄漢間
煙霞祇弄丘園色
風雨長過龍虎山
草碧淮南定憶汝
雲臺錦石喜人還

南歸過姚氏園

雲霞深護芳樹村
門巷陰連流水源
童子青衿應賓客
丈人黃髮對丘園
池間鷓鴣回翔好
沙上蘼蕪空翠繁
濩落新從栗里去
問予松菊舊柴門

上妙高臺

雲海冥冥望不迴
鯨波東蹴巨靈開
中天樓閣虛無裏
南國風煙江漢來
世短動經多事日
愁長況上望京臺
白門金鼓維揚卒
落日空傳黃竹哀

汎舟遊宜興山水將入張公洞東杭氏兄弟

尋仙直探山水窟
脫屣何須書畫船
遠岫高雲行落日
平蕪大澤失炎天
總聞蔣詡求羊逕
未分嵇康服食緣
翠幘平生最浩蕩
來遊五嶽頓

能便

西湖過孫山人舊隱昔曾與太初用賓月下步六橋令僧人弄笛嘯歌爲和回首往事黯然陳迹矣

荒迷更踏西湖路露烏雲裳空六橋涕淚翻悲竹林宴笛聲月色傍中宵醉歌亂詫魚龍出此地爭傳麟鳳標今日孤山最孤寂梅花桂樹頓蕭條

讀太初潯陽歌

青春寄我潯陽曲長路思君鸚鵡洲此日江湖須遠志浮雲西北有高樓嵇康竟少神仙分尚子仍牽兒女憂居洛何曾定蹤跡終南渭水入鄉愁

訪遂初宿南高峰下

天末逢秋驚客心只看商意動高林修篁細葉迎風亂翠栝繁條傍石陰江上釣緝青眼底年來淨業碧山深東歸喜有王摩詰輞口柴門許獨尋

登御校場下望故宮

萬峰雲木鬱蒼蒼古壘仍存閱武場南渡關河
雙眼盡中原風物百憂傷尚傳草莽開黃屋想
見龍蛇繞御牀往事只今俱灑淚兩階干羽意
何長

勝果寺秋懷

山寺行逢紅槿花江南風物望中賒棘雲蘿月
同秋事鴻鴈鷺鶻亦歲華多病茂陵仍去國長
貧杜曲尚無家白袍黃帽從吾好歸去滄洲問

釣槎

秋夜偕應天彝黃宗賢宿靈巖天柱峰大
雷雨作

日落風迴天柱陰峰前雲木正蕭森古堂衾枕
秋燈淨永夜雷霆山雨深漠北不聞麟鳳信海
濱空寄薜薇心結廬欲擬南陽臥抱膝長歌梁
甫吟

鴈宕山中

丹崖側疊窺欲頽拊石捫蘿鳥道迴滄海客心

長自遠錦溪秋色是重來靈湫水激風雲濕昧
谷春生鴻鴈回更上南山望雙闕葱葱雲氣護
蓬萊

謝安石

江左爭傳謝傅風蕭條猶記薜蘿叢東山第宅
遙相問青海音容迥不同目斷中原深戰伐天
回淝水失英雄最憐棊墅荒蕪甚獨望新亭意
不窮

九日登釣臺

富春山下嚴陵瀨九日風光興不違白石滄波
元自好鳴鷺飛鷺早知歸南陽文叔求賢遠相
府侯生識面稀王業帝謨俱莫問百年江海有
漁磯

雨後登天遊觀

幽探尚愛天遊觀石磴高盤松枯林鶴馭虹橋
今斷絕黃冠紫屐此登臨千峰雨過玄冥濕列
洞雲回元氣深便欲垂綸釣魚石鸕鷀立滿九
溪潯

夜訪建溪歸宗巖宿聽泉閣

葛巾隨地畱芳跡翠壁清林把燭行山接幔亭
多紫氣夜來蓬閣動泉聲名都合有滄洲勝冬
日還知桂樹榮白首子真終不改看雲坐石得
吾生

贈林中丞

矯矯中丞三輔賢投簪滄海意猶仙高冠大帶
回蠻俗綠醕黃花照暮年勲業不談延慶役兒
童唯唱太康篇紛紛授簡梁園客未道枚生賦

獨傳

歲晚入鳳陽山治田

幽棲已傍鳳山遠長日看雲意獨深滌滌海濤
喧永夜冥冥蘿月散青林田園春近存生事鷓
鴒天高寄遠心避地休歌飯牛曲驚風落木歲
方陰

寒食與木虛登芳巔峰遂餞公衡

絕頂天風雲亂飛海門高浪近春衣霸圖王氣
東南盡堯韭秦花天漢稀此地賞心惟汝共萬

方愁目欲何依要知寒食山中意萍葉江湖幾
是非

黃明甫憲副欲到湖上

江鳥江花俱眼明乘春驄馬報江行閉門祇分
煙霞累撫世今看意氣橫海上夢回陳子榻天
邊樹遶越王城便須傍竹開三逕拄杖停雲望
友生

新營青堊堂未就簡高傳二子

青堊經春營白扉竟須錄事草堂背蕭蕭桂樹
鷓鴣急淼淼菱湖鷓鴣飛絕塞閉門時欲暮小
山招隱意應遲遺榮祇好修奇服蕙帶雲冠上
素衣

讀維新錄

日下金雞出絳鑿皇皇天語萬方看喜聞一聖
主興周道竟使蒼生起謝安雲捧翠旂含五色
草生屈軼指羣姦早時抱志投簪客獨向滄溟
把釣竿

後秋興三首

御樓春霧晝漫漫雷壓霆奔霄漢間涕淚翻傷
以死諫風波誰分得生還山中介子終辭爵嶺
表唐卿已賜環北望星河今有象幾回滄海夢
朝班

江湖霄漢不相聞獨拊龍泉看斗文燕雀豈知
鴻鵠志鳳麟終遁羽毛羣閉門春事生黃葉去
國秋山長白雲傳語元豐舊遷客好將王道輔
明君

龍起襄陵漢水清風掀雲揭動神京一時卿相
收耆舊萬國衣冠接 聖明戀闕重懷和氏璧
防身驚絕楚臣纓致君堯舜羣公在短褐長鏡
意自平

卜居懷林待用司空

卜居爲愛龍山好薜荔陰連湖上村海日帆檣
動書牖天風鵝鶴到柴門清時定許潛夫遠散
地還知靜者尊聞道平生謝太傅東山臥席未
教溫

秋日湖上懷舊游

湖上羣花開未休茅堂復結湖水頭青天舉目
鴻鴈至白日閉閣琴書幽正愁鵝鴨惱鄰舍不
見親朋經某丘滄江遲暮好自去斷雲弄泉銷
百憂

青堊堂石傍植菊花冬日盛開

青堊堂西湖石畔厓菊花繁明暮年乾坤正色
黃如此丘壑孤懷爾最賢祇許菌芝同遠地不
爭桃李媚陽天上林冰雪愁無賴三逕時開向
日邊

葉六罷戍潮陽歸話湖上

爾戍潮陽相見面經年別我草堂遊瓦盆碁局
青林在菊蕊鷗羣舊國秋莫倚口談三尺劍要
知身是一虛舟芙蓉薜荔山人服隨地相携意
氣投

野興

龍首橋南湖水北幽居細擬輞川中青霞返照
流孤榻白鳥卑棲並一叢弄筏取魴隨稚子接
觴爭席任鄰翁年來混迹漁樵下賸有銅鞮伯

氏風

聞執之侍御赴闕追送不及

名巖擬共花時見渺渺芝田空復情繡斧春當
霄漢立彩帆今傍斗牛行南州煙水還徐穉京
洛風雲逐馬卿日暮滄江相失後可無獻納慰
平生

答黃應期太常

聞君未罷滄溟釣余復歸耕綿上田江東落日
淹多夢燕市殘盃空昔賢悵別喜承縣榻問離
羣那寄卜居篇越城西望無千里乘興還廻何
處船

答方思道

菖蒲龕下東林宴當日招携意未疎羨汝能騎
隴雪馬嗟余真釣武溪魚藥欄芝榻三年別薊
野邢陽萬里書重沐清辭報叢竹茂陵端遣臥
相如

林樗翁舍余草堂以詩見貽病不能候次
韻作答

鼇頂峰廻雲霧光少微來照浣花堂十年城府
新相避三徑松筠故自荒問道向迷襄野北移
家今在漢陰傍方山耆舊偏憐我只道相如病
更狂

釣臺用孟浩然韻

釣臺東接峽江流臺上平臨歐冶州豪客乘風
時有賦海翁無事自忘憂中原目斷冥鴻路落
日愁生芳杜洲歲晚煙波浩無極鷓鴣鷓鴣傷
人遊

秋日病懷

南州落木歲蕭蕭薊野風煙萬里遙病後客心
惟藥物秋來人意滿雲霄平沙鴈帶三湘雨橫
浦帆歸八月潮搖落應悲楚公子不將舊業付
漁樵

登臺

江草幽幽江燕回感時頻上望燕臺天高西北
神京在鴈落東南朔氣來豹谷水田聊自給龍
陽橘樹未應栽 君王近著唐堯德巖壑全生

是標材

送歐陽崇道入覲

年來苦閱循良傳別路看君意轉長
颯颯秋風吹岳水娟娟菊蕊傷
重陽中原日盡鳳麟出南國
車前烏鵲翔莫學武原陳仲舉
只將懸榻報君王

九日登高蓋山憶舊遊

此日經過高蓋下忽憶去年高蓋峰
祇見黃花似往日那堪衰髮向秋風
煙霞不斷重陽業猶疑二逕松
舊國蕭條歲復晏布袍芒屨意

何窮

歲暮懷戴郭二蘇州

經年不寄吳都賦文藻風流孰女如
作客總飛青玉鳥埋名翻受錦囊書
中原風物回秋夢東海龜龍款使車
儻及桐江舊釣侶明時甘守越溪魚

李忠定祠

千秋祠廟對樵溪丞相愁時日向西
江漢已浮

龍馬去風塵遺恨鷓鴣啼傷心北狩誰相問極
目中原他自迷三疏留君見東溘人情天運苦
難齊

次夕峴江聞笛贈林德敷熙載父子

峴水橋西秋欲社追尋仍泛月邊船短簫長笛
悲相語錦樹滄江絕可憐交遊自識茅容早子
婿誰當黃幹賢此夜星河未堪別眼中閩楚各
風煙

秋日偕諸子遊鼇峰

鼇峰天畔登臨去雲木新開平遠臺落日山城
生海氣中原風物送秋哀一時賢士俱傾蓋滿
地萍踪笑舉杯梁國鄒枚豈吾事竹林嵇阮是
仙才

木蘭陂謁李長者祠

木蘭山下誰作陂將軍灘頭功已虧滄海未銷
錢女恨路人惟誦李侯碑秋深極浦生寒水神
至靈風滿素旗江漢湯湯吾力薄祠前立馬意
應遲

贈汪希周太守

憶並先朝戊巳年雪堂文酒日聯翩
燕關舊侶嗟誰在閩海浮槎羨女賢
鄉信風煙連楚粵宦情冠劍動山川
郡齋今復虛縣榻何地看雲更黯然

赴白下黃田道中作

稍喜移官向白門春湖聞接灞陵園
經旬肺病形容變千里鄉愁夢寐繁
耿耿星河涵遠水冥冥氛祲散中原
廿年漢署成何事翻向青山斷客蒐

建州逢蔡霞山

鼇頂歌鐘東郭宴舊盟回望思何窮
音塵豈說三秋隔鬢髮知堪幾度逢
滿地江湖催汎梗極天雲霧滯冥鴻
休論十六年前事愁絕關河涕淚中

冬日飲陶園

細霧濛濛千竹林名園錦樹歲將陰
主人愛客車馬過竟日聞歌尊俎深
幾朶菊花猶掩映一

羣鷓鴣故浮沉登臺忽聽鳴
臯鶴九萬雲天識
女心

憂

擬將新句詠銷憂詠罷重增雙涕流
柱下朱郎成永別江東黃尉竟何求
青袍事業悲三試畫省風煙感四休
搖落江山客途裏石門修竹夢林丘

臥病

臥病困頓安足悲武夷秀峰虛翠微
閉門伏枕費日月問醫尋方多是非
羈孤賴有任安好薦拔恐爲山公違
形容變化已如此荷衣草榻吾去歸

元日平安道中

元日誰家藍尾香客身多病更殊方
每看兒女暫相慰不見梅花頻欲狂
揚州舉目風景別平安發舟冰雪妨
春光羞澁可腸斷况乃兵亂賸悲涼

書望

陟彼阿丘眼欲迷美人何處不勝悲舟中日月
忽寒暑道上音塵但鼓鼙揚水湜湜聊濯足終
風獵獵故吹絳行藏未定憑誰卜力盡蒼茫有
所思

懷金山文殊用前人韻

金山蘭若昔曾遊尚記松針滿地秋竟日馬蹄
山雨駐一時詩句野僧求行藏笑我逃三昧詞
翰真誰僭上流傳語遠公須結社王郎無復夢
刀州

秋夜

七月欲盡天氣清殘月未上江猶明流螢渡水
不一點玄蟬咽秋無數聲獨客尚未送貧賤四
方況是多甲兵立罷西風夜無寐吳歛嫋嫋感
人情

送太白山人觀海

長江天風吹歲暮送子東去浮滄瀛三韓波濤
光怪出孤山松檜蛟龍鳴區中馬背豈心事鳧
鳥鶴瓢非世情明年期我坐日觀若木照地春

相迎

過方山人隱居

金華山下空結菴金華山人愛終南未聞造父
得朝十却道狙公能莫三予苦揮塵上素服爾
何抹馬向黃龕曲轅散木願自保漫爲犧樽悲
杞楠

九日與倪宗正祝鳴和登觀星臺

秋盡繁陰苦不開散愁同立觀星臺日邊閭闔
紅雲動塞上風沙白鳥來秦分正當金氣盛鴈
門未見玉音回百年與爾同羈旅九日同歌黃

竹哀

答祝鳴和

一落滄洲懶性便苦吟何有八哀篇美芹但取
鄰人笑小草猶慙官長憐白日嘯歌聊自慰赤
霄勲業尚茫然攜琴載酒忘憂得不愛牀頭三
日錢

壽日成禮奉天門

初日鴉啼宮樹林奉天高殿氣駸駸衣冠况值

千秋節犬馬真懸萬國心
白羽書來兵未解黃
河水落歲將陰龍旂鳳輦關山道邊事辛勤風
雪深

歲晚

鴈去陰山白草生六邊風急翠華行
玄冥天外連霜雪上谷年來厭甲兵
萬古羯胡終不滅三吳財賦已無征
漢家未罷輪臺役歲晚迢迢江海情

彭城避地

朔水薊門誰問津洪河波浪眼中新
孤舟此夜山城雨短劍長年驛路塵
鄭老有官無飽飯杜陵多難每依人
飛書近報齊梁破何地江湖托此身

夏朝同顧九和侍講湛次泉編修應元忠
吉士汎舟出西崦遊太湖

西崦山前逢首夏與君一笑共扁舟
已無梅花爛刺眼賴有太湖清散愁
晴日菰蒲鶩鷺下遠風波浪魚龍遊
酒酣忽憶鴟夷子長日挂帆天

漢流

寇至

白日淮陽飛羽書浪翻鯨駭振江湖六飛聲斷
天狼穴七郡功虧銅虎符卽見縣金募丁壯更
聞空國補軍輸君王不剗封侯印祗事江南未
獻俘

病起送方思道

問君何日棲武夷送君出門雙淚垂三春伏枕
自氣候一朝出郭空華滋知他濁酒有誰共折
此垂楊不自持許墅關頭聽人語盜賊滿地將
何之

吳閶

萬木蕭蕭河漢秋吳閶斜日獨登樓眼中禾黍
茅茨怨海上風塵笳鼓愁一命未忘青瑣闥幾
時還問白蘋洲燕然銅柱男兒事謾倚青萍看
斗牛

秋興

梳頭出門秋滿溪蓼花無數明大堤堤邊桔槔

獨婦女海上羽箭多男兒中原已失尚方劍南
國全看飛將旗青草沙頭有消息天未悔禍人
焉爲

狼山聞捷

龍驤百萬向南征水陣堂堂赤幟橫旋報狼山
歌小海喜看元帥是書生連年江漢傷多事此
日朝廷念太平漢戍秦疆俱鄙陋須將四海作
長城

至日

白日冉冉復南至闔閭城西客未歸山中桂樹
歲月晚石上梅蕊園池非白鳧雨雪爲誰急黃
鵠天風終自飛安得垂衣歌帝力坐分滄海釣
魚磯

送太初觀海

天風颭颭吹歲暮汝今復欲東南征大江波浪
蛟出舞滄洲歲月芝長生水經地紀足勝事鳧
舄鷺飄非世情洪河雪後會相憶我在蓮花峰
頂行

十三夜玩月

粵南秋色復欲暮城東閉門歲載陰清霜上鬢
豈春事明月在天關客心水昏魚龍已浩蕩木
落桑梓亦蕭森杜老中年更愁思猿啼來往巴
渝深

天未逢故人

不耐秋風搖落後與君把袂看飛蓬關山無地
干戈息江海何年笑語同歲晏柳條那忍折天
涯車轍尚難通蕭條更問桑乾路日斷園陵煙

霧中

聞孫山人在西湖水寺

吳門往日聽談玄塞鴈江魚動隔年聞爾獨居
水西寺與誰同泛六橋船魚翻荇帶錦不亂鳥
下蘼蕪青可憐擬把郢筒共梅蕊兼程定得小
春天

歲晏懷近夫

不見殷郎又一年每憑覓夢到青田成家文學
人皆仰爲邑風流世共傳嵇呂豈辭千里駕桃

哀真結此生緣孤山雲物負殘臘鴈宕煙霞愁
遠天

白下訪方山人

山人不是方外客十載江湖桑梓悲豈爲飢寒
歷辛苦坐教詞藻歛瑰奇南征却道如司馬老
去終傷失惠施白下風煙得見否憶君長誦考
槃詩

孤山寄太白山人

爲問山人孫太初交情歲晚莫交疎孤山梅萼
春相惱滿地松苓日自鋤江夏肯容禰處士茂
陵初臥馬相如知君不廢茗溪釣書帛能無寄
鯉魚

天竺

旬有五日出戶闌風伏雨寒蕭蕭偶爾尋僧
入三竺多方索梅窮六橋黃精紫蕨亦自飽瑤
草瑤花還見招旌旄滿山江浪惡腐儒解組爲
漁樵

歲暮入江郎山訪周山人

江郎三峰開畫屏上有朗朗處士屋修淵將到
壺丘子憤世却續南華經松間相信鶴一隻洞
口長生芝數莖釣渭耕巖不違志乘桴余亦下
滄溟

人日

病起獨吟溪上樓煙波雲木共悠悠細斟栢葉
酬人日漫嗅梅花憶隴頭天遠美人長在望路
危春色未銷憂南行故國柴門迴擬把綸竿伴
白鷗

八月二日

曲巷疎籬小院幽荒村獨夜竹桐秋星河正值
銷魂地鴻鴈還過何處樓臥病豈堪聞木葉息
機猶自着羊裘碧霄萬里風雲氣起凭危闌歌
四愁

得思道書

伏枕忽傳車馬使攬衣迎問已沾巾開緘蕭颯
見汝面回首蒼茫任此身司馬著書長抱病黔
婁爲道不辭貧滄江冷落梅花晚獨抱遺芳向

遠人

答近夫思道

憶昔三吳共臨眺上山不用杖藜扶只今臥病
難行立聞爾加飧定有無千里音塵雙涕淚萬
方憂患獨泥塗蠻煙朔雪催人事愁對城南鷺
鴨湖

登道場絕頂用太初韻

峰頭獨立雲霧飛天畔風迴蒼玉屏深林日落
豺虎伏橫江浪高舟楫稀舉目中原望不極側
身滄海愁依依峴山雪水秋意動故園幽事行
當歸

秋興七首

聞闔風吹庭樹柯乾坤西北尚提戈舊京芳草
秋猶積絕塞浮雲今柰何不耐隱憂侵白髮竟
將吾道付滄波碧雞金馬非前日獨倚江樓聽
棹歌

湖上清霜淨柳條南天九月氣蕭蕭歲寒蘭芷
將無變日暮豺狼迥自驕三輔尚淹王景略北

庭終數霍嫖姚風煙着處堪疎闊白水青山每
見招

且喜鎮兵收楚蜀十年戰伐可勝情誰家寡婦
哀初散萬國秋笳咽未平祗見 帝恩優赤縣
稀聞官府念蒼生請看咫尺輪臺詔今日蠲除
征又征

釣臺南畔萬家墩昔日豪華天下聞石首槎頭
爭水陸綺衣朱袖照乾坤年荒禮樂今何有日
短麕豪空復存破帽蕭蕭江海客側身玩世欲
忘言

羯胡牧馬下陰山西塞諸軍永不還萬里角聲
悲歲暮三邊烽火直函關腥膻已入襟喉裏桴
鼓深防霄漢間聞道凶門屢推轂總戎何日斬
樓蘭

黃河南岸消息微甘肅寧夏邊人非清秋古戍
軍需闕白日西山餉道違警急大庭修馬政承
平裨將玩兵機願將干羽收金革莫令漁樵着
鐵衣

南州卧病聊卒歲東山草堂難去歸行年三十
鬢已改有懷突兀時多違白湖鷺鷥風波亂畫
省冠袍日月非人事天機更消息狂歌清淚滿
荷衣

登無諸城南樓

越王城東江欲濤越王城上烏山高亢龍愁雨
久在野病鶻憐風空解縑西望佳人息環珮南
來樂土避弓刀園葵一飽那可得今日登樓心
獨勞

歲晏答王時行

越王臺下草堂陰萬壽橋東流水心天畔風雲
新歲晏霜前梅柳故園深黃巾亂後只茅屋白
社歸來無橘林搖落最憐王水部近時生理戴
朝簪

病起步西禪

一春伏枕鶯可憐病起野池明白蓮偶爾梳頭
出城郭便應看竹到西禪天晴求食鳥雙下日
午閉門僧獨眠明發螺江有行役紅塵白鴈異

風煙

鄭少谷先生全集卷八

閩中鄭善夫繼之著

後學鄭奎光章甫訂

七言律

三月晦陪顧未齊侍講湛甘泉編修應元
忠吉士遊太湖龍塘舟中

龍塘漪漪近太湖湖上之水明菰蒲雨餘鷗鷺
清湍淨日晏牛羊滿地鋪每羨鱸尊憶張翰未
因鰕菜學陶朱兵戈愁疾侵尋久擬此卜築寧

吾軀

九月劉蘇州携酒過寄寄堂席上作

今辰何辰我對酒爛醉却爲劉蘇州佳肴佳樂
見君意美境美人忘我憂百年清話肺腑露三
江長望風烟流出門高下遠天淚去燕來鴻何
所求

暮春遊望

陽山西陂野水肥東風冉冉吹芳菲越姬蕩舟
入遠浦吳儂荷鍾談落暉茅屋桃花亂點點樹
枝黃鳥亂飛飛蘇州病客憐汝切明朝杖藜春

事違

寇至二首

延陵昨夜飛羽書吳人今日盡移居江陰室廬
半成燼京口士卒多爲魚不知貔虎爲誰用只
恐豺狼乘我虛向者山東只數騎將軍何事更
趙趙

其二

山東羣盜睨東吳吳下倉皇急遠圖但見懸金

募丁壯不知賣屋補軍輸屢聞天上新頒爵猶
有江南未獻俘昨夜中庭弧矢沒自憐病骨轉
成癯

答近夫九日見寄

殷郎懷抱向誰開我亦迢迢江上臺塞鴈未逢
還步月籬花縱好嬾持杯龍山落日惟黃土虎
阜西風漫綠苔一覽黑貂驚歲晚暝傳霜下夜
砧哀

九日對酒不登高

今年九日長洲苑忽憶去年西楚鄉連山烽火
不改色揮淚故人天茫茫且須舉盞媚芳菊豈
敢登高望遠方此日明年復何處可堪迴轉杜
陵腸

喜得家書

無數羈愁此夜窮各天相慰重題封中原氛浸
三千丈故國煙霞百萬重伏枕未容蝴蝶夢加
餐合紀鯉魚功幽燕十月風霜惡季子貂裘不
受縫

至日馬上

白日冉冉復南至闔閭城西客未歸觀臺雲物
舊色相靈源芸荔新芳菲淒淒風雪我乘馬渺
渺烟霞他采薇亦欲掉頭東指海芙蓉三載未
成衣

溪上

南岸村邊好放船早春風日淨涓涓風吹錦水
文章見日射金沙色相鮮匝匝碧山圍矮屋輕
輕白鷺掠晴川細詢民瘼非前度猶喜溪光似

昔年

駕出北平

桑乾西路帶楊河萬乘三秋躍馬過雷澤釣絲
天上應瑤池雲氣暮來多茫茫禹貢真不有款
款祈招亦奈何幕下少年俱貴達袖中長鋏謾
悲歌

早發臨安

玄陰早發臨安縣遠道真尋何處山一夜雨聲
驚木葉幾年雲氣望函關赤雲近在風塵外黃

鵠高飛霄漢間聞道襄城迷七聖中原回首淚
潺湲

二月晦日發滹沱

二月晦日暄風寒滹沱水深舟楫難已携家室
情復惡况憶兄弟鼻俱酸白鴈一雙杳然去黃
鵠數年離哉翻幽并氛祲只昨日客子胸臆何
時寬

夏夜仲鵬過草堂

炎天鬱鬱氣若焚都城兩月不出門豈無故人
少惠愛祇有吾子來頻繁野老開心出文字拙
妻作意蒸雞豚雷陳風流世所羨與爾結契爲
弟昆

贈高二十二宗呂

早向滄江去不疑龕豪翻笑銳頭兒襴衡材大
公卿妬原憲家貧九百辭顛倒衣冠成古制招
呼風雪有新詩鰲峰石室藤蘿外欲採璚花報
汝知

朱蕩南太守遣杯茗過鴈山奉酬

蕩南杯榼走重盤正我看雲初出關車馬忽傳
青鳥信風煙一佇白龍山聞知湖口舟長借每
到花時釣未還萬事忘機猶汨沒羨君安穩弄
潺湲

同畱克全丁文範董文玉西湖泛舟遂歷
湖上諸山

天畔雲煙清不了仲春風日淨巾袍春坊能事
浮杯竿刺史風流擁節旄青柳歲時臨澤國白
鷗早晚到江臯西湖野意元相識拄杖中流興

自豪

西湖同李水部孟玉詹進士泮

春城萬水散晴湖南北高峰相對孤雨後舟航
分氣象年來心跡落虛無只妨魚鳥催人事不
厭菩提混世途小折梅花携二子竟無秀句弔
林逋

中秋京華玩月

上谷諸城紫氣通輝輝星月自離宮關山萬馬
黃陀北殿闕三秋白露中大將此時須縛虎侍

臣何地合從龍繩樞甕牖長消息愁絕京華鼓
角風

送惟可還三衢

昔年相逢胥水秋今日重在閩山陬中間喪亂
真憐汝南鄙音塵不散憂別後山陽頻弄笛花
時荆楚一登樓旄頭尚直天西北何地巾車各
自由

昔余北征太初至自湖州送余至姑胥吾
惟可三自三衢送余至樵李不二載間相

繼下世重逢此地愴然傷懷作哭二子詩

憶從把抱三吳去念爾攀翻遠道來此後音塵
一哭耳舊時風雨竟何哉江山祗掛南州劍天
地空生諸葛才樵李姑胥是永別暮雲鄰遂動
秋哀

李中丞邀遊南高峰與棠陵子同賦

南峰東下對扶桑海霧天風引望長此日登臨
成勝會眼中文物傷重陽避人鸛鶴遙相過近
郭棕篁好自蒼笑把荷衣接豸服狂夫談討只

滄浪

夏朝覃山卽事二首

湖水森森橫釣舟湖邊人家生事幽胡麻塞畦
衆作動桑柘滿地春蚕收卑枝不肯受冠蓋短
草何妨彌阻修吳儂禮數亦自好方巾野衣迎
道周

其二

四月覃山茶樹香蹋歌採茶多女郎孤亭小池
長杜若斜出細雨飛鴛鴦島嶼歷歷渺雲水煙
波茫茫連天荒眼裏春花復欲盡未得及春歸
故鄉

答樗翁見懷次韻

上日南湖春草餘飛檝報我茂陵居祗益停雲
承笑語還聞抱朴入空虛苦遭瘧鬼時相泥愁
見鷗羣晚自如世短途難身獨遠京華新訂絕
交書

莆諸君子邀遊木蘭宿雲莊溪閣因餞余
涌江把袂而別悵然興懷

莆陽名士太古流愛余來並木蘭舟詩書禮樂
話未了琴瑟笙簧歌少休三秋問俗風塵切一
路看山花鳥愁此別應知各努力思君無那海
東頭

七言排律

九日同劍川諸子登馬坑諸山望九峰道

南祠記事

南平縣北重陽至強起登高風雨朝烏帽黃花
修舊事風流人物憶前朝東南形勝山川固閩
粵衣冠氣象饒千樹早霜寒自積一潭秋水澹
相搖漢王俎豆還宮廟劉守勛名已寂寥羣盜
檄書隨處滿萬方兵甲幾時銷年荒白晝三軍
譟日遠黃堂五馬驕病後故人俱杳莫幸然勝
事不蕭條人兼鄴下何須避誼重淮南定見招
青眼豈辭鸚鵡盞白袍更上木蘭橈四賢道近
源流斷雙劍龍潛歲月遙桂樹叢生江草長不
妨志士遁漁樵

國

